

Boqonnaa 2

Faaydaa Amantii Islaam Hamma Tokko

Islaamummaan nama dhuunfaatiifis tahee hawaasaaf faaydaalee hedduu qabdi! Boqonnaan kun faaydaalee islaamummaan nama dhuunfaatiif kennitu hamma tokko nuuf hima.

(1) Hulaa Jannata Zalaalam

Rabbiin qur'aana keysatti akkana ja'a:

**{Isaanowwan Amanan Akkasumaas Hujii Gaarii
Hojjatan San Jannata Bishaan Jala Yaa'uun
Gammachiisi.} (Qur'an, 2:25)**

Rabiin Akkana Nuun Ja'a:

**{Araarama Rabbiiti fi Janata Balinni Isii Akka
Samii fi Dachii Ta'ee (Arkachuuf) Wal dorgomaa!
Inni (Jannata) Warra Rabbii fi Ergamaa Isaatti
Amaneeff Qophaawe!....} (Qur'aana, 57:21)**

Nabi muhammad ﷺ akka himanitti warra jannata seenu keysaa darajaa irra xiqqaa kan arkatu, hanga addunyaa tenya tana dacha 10ⁿ arkata,¹ waanuma fedhe ykn hawwu hunda dacha 10ⁿ arkata.² ammallee nabi Muhammad ﷺ akkana je'e: {lafa jannataa hanga miila takkatu addunyaa fi waan isii keysa jiru hunda caala.}³ ammas akkana je'e: ***[jannata keysa waan ijji agartee hin beeyne, tan gurri dhageeysee hin beeyne, tan qalbiin namaa yaaddee hin beeyneetu jira.]***⁴ ammallee akkana je'e: ***{ warra jannata seenu keysaa duniyaarratti irra rakkkataa nama kan tahe fuudhanii oggu takka jannata keysa eega naqan booda .***

(1) *Sahiih Muslim*, #186, fi *Sahiih Al-Bukhari*, #6571.

(2) *Sahiih Muslim*, #188, fi *Musnad Ahmad*, #10832.

(3) *Sahiih Al-Bukhaari*, #6568, fi *Musnad Ahmad*, #13368.

(4) *Sahiih Muslim*, #2825, fi *Musnad Ahmad*, #8609.

Akkana jechuun gaafatan: “ilma aadam ati takkaa cinqamtee ni beytaa? Rakkoon sirra geysee beeyti? Inniniis akkana ja’a: “miti, wallaahi, yaa rabbi! Ani takkaa cinqamee hin beeku takkaa rakkadhe hin beeku.”¹

Namni jannata seene, jiruu gammachuu tan dhukkubsachuu hin qabne, tan laalaa wahuu hin qabne, tan rifaatuu fi du’a hin qabne jiraata; Rabbiin itti gammada; zalaalam achi keysa jirata ammallee. Rabbiin qur’aana keysatti akkana ja’a:

{Isaanowwan Amanani fi Hojii Gaarii Hojjatan, Jannata Bishaan jala isii Yaa’u Isaan Neyna, Zalaalam Keysa Jiraatan} (Qur’an, 4:57)

(2) Ibidda Azaabaa Jalaa Najaa Bahuu

Rabbiin qur’aana keysatti akkana ja’a:

!

{Isaanowwan Kafaran, akkasumas Kufrii Irratti Du’an, Dahaba Dachii Guutuu, Kan Fidan Osoo Tahee (Ibidda Duraa Bahuuf Jecha) Isaan Tokkorra Hin Fuudhamu. Azaaba Laaleysaa Taheetu Isaaniif Jira, Gargaaraa Hin Qaban.} (Qur’aana, 3:91)

Kanaafuu jiruun tun carra itti ajaja rabbii goonee jannata itti bitannuu fi azaaba jalaa najaa itti baanu. Namni tokko kufrii irratti yoo du’e, deebi’ee du’arraa ka’ee rabbitti amanuuf carraa tokkollee hin qabu. Rabbiin qur’aana keysatti waan guyyaa qiyaamaa warra kafare irratti ta’u akkana jechuun nuuf hime:

{Osoo (warra kafare) yeroo Ibiddarra dhaaban argite Ni ja’an: Yaa Hawwii teenya (Osoo) deeffamne (Adunyaatti) Silaa hin kijibsiifnu Aayaata Rabbii keenyaa, ni taana warra Amanerraa.} (Qur’an, 6:27)

Garuu namni tokkolleenu carraa oggu lammaffaa deebi’uu hin qabu.

(1) Sahiih Muslim, #2807, fi Musnad Ahmad, #12699.

Nabi muhammad ﷺ akkana je'e: **[warra azaaba seenu kan duniyaa irratti irra gammadaa ture oggu takka fuudhanii azaaba keysaa cuubanii (naqanii) eegasii gaafii gaafatan: " yaa ilma aadam gammadee ni beytaa? Badhaadhina agartee ni beytaa? Inniniis deebisee akkana ja'a: "yaa rabbii kiyya agaree hin beeku!"]**¹ jechuun deebisa.

(2) **Gammachuu Dhugaatii fi Nageeya Keysaa (Qalbii)**

Gammachuun dhugaatii fi nageenyi kan arkamu ajaja rabbi waa hunda uumee fi waa hunda jiraachisuu hojii irra ollchuudhaani. Rabbiin qur'aana keysatti akkana ja'a:

{Hubadhaa, Rabbi Yaadachuudhaan Qalbiin Nagaya Arkatti.} (Qur'an, 13:28)

Namni qur'aanarraa garagale addunyaa irratti jiruu dhiphoo jiraata: rabbiin akkana ja'a:



{Nama Zikrii (Qur'aana) kiyya Irraa Garagale,² Jiruu Dhiphoo Isaaf tahe, Ammallee Guyyaa Qiyaamaa Ballaa Goonee Isa Kaafna.} (Qur'an, 20:124)

Namni tokko tokko osoo waa hunda qabuu gammachuu waan dhabeef if ajjeesa. Fakeenyaaf 'cat stevens' (kan amma yusuf islam ja'amu), duraan wallisaa beekkamaa halkan tokkotti galii doolara \$150,000 arkata, garuu gammachuu dhugaa fi nageenya keysaa eega islaamawe booda arkate³

-
- (1) *Sahiih Muslim*, #2807, and *Musnad Ahmad*, #12699.
 - (2) Qur'aanatti Hin amanne Ajaja Isaatiis Hin Goone
 - (3) E-mail addreesa' Cat Stevens (Yusuf Islam), Eega Islaamawe Booda Waan Itti dhagayame Gaafachuu Yoo Barbade London Biyya Ingliz Jiraata.

seenaa warra gara islaamummaatti deebi'anii afaan inglifaatiin dubbisuu yoo barbaaddan toora (websaytii) intarneetaa www.islam-guide.com/stories dubbisaa ykn kitaaba 'why islam is our only choice'.¹ ja'u dubbisaa. toora kanaraafi kitaaba kanarraa muuxannoo fi gammachu warra islaamawee kan biyyoota adda addaa, jireenya adda addaatii irraa dhufan ammallee kanneen sadarkaa barnoota adda addaa arkatan ballinaan arkachuu ni dandeeysan.

(4) **Araarama Dili Dabarte Hunda argatu**

Namni tokko oggaa islaamawe, Rabbiin dili fi badii inni dalage hunda isaaf araarama.

namni Amr jedhamu tokko gara nabi Muhammad ﷺ dhufee akkana je'ee: {ahdiin siif seenaa, harka mirgaa kee nadura qabi!} nabiyyiin ﷺ harka mirgaa dura qabe. amr garuu harka isaa deeffate. nabiyyiin {"yaa amr maaltu si mudate (harka deeffate)?"} jechuun gaafate. amr akkana je'e: "haal duree kaayyachuun niyyadhe." nabiyyiin ﷺ {haal-duree akkam niyyatte?} jechuun gaafate} amr deebisee akkana je'e: "Rabbiin dili tiyya akka naaf araaramu!" nabiyyiin ﷺ akkana je'een: {islaamawuun dili hunda akka namarra hayxu hin dhageenye?}²

akka hadiisa ittii aanuu kanatti namni tokko oggaa islaamawe dalagaa toltuus ta'e hamtuu duraan dalageef sawaaba ykn miindaa arkata.:

{Rabbiin Kee, Isa Qulqullaawee fi Ol-Tahe Hundaa Ol Abbaa Rahmatati. Namni Tokko Toltuu Dalaguuf Niyyatee, Osoo Hin Dalagin Yoo Hafe, Sawaaba Ykn Miindaatu Isaaf Katabama. Yoo Kan Dalagu Tahe Ammoo Sawaaba Kudhanii Hanga Dhibba Toorbaa Ykn Sanii Oltu Isaaf Katabama. Namni Tokko Hamtuu Niyyate Ture Takka Osoo Hin Dalagin Yoo Irraa Deebi'e Sawaabaatu Isaaf Katabama. Yoo Dalage Ammoo Diliitu Irratti Katabama, Yoo Barbaade Rabbiin ni Araaramaaf.}³

(1) Kooppii Kitaaba Kanaa Arkachuuf Websaaytii www.islam-guide.com/stories Irraa laali.

(2) Sahiih Muslim, #121, and Musnad Ahmad, #17357.

(3) Musnad Ahmad, #2515, and Sahiih Muslim, #131.